

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

SEP 15 1933

~~20~~
135

T 9297.1100 B



玉海卷第一百七十二

浚儀王應麟伯厚甫

宮室

橋梁

天官書東井兩河天闕間為關梁

堯橋梁

漢文紀二年五月詔誹謗之木注服虔曰堯作之橋

梁交午柱頭

周造舟

詩大明親迎于渭造舟為梁爾雅天子造舟鄭氏曰天子造

萬曆丁亥年

哈佛大學漢和
圖書館珍藏印

舟周制也殷時未有等制孔氏曰文王始作而用之
方言浮梁也初學記今蒲津浮橋是其處秦鍼造舟于河漢章帝
建初七年十月東至高陵造舟於涇而還

周鉅橋

管子武王有鉅橋之粟貴糴之數立重泉之戍令曰
自今有百穀之粟者不行注鉅橋倉在今廣平郡曲
周縣許謹云鉅鹿之大橋書發鉅橋之粟

爾雅梁莫大於溴梁注橋也張良傳下邳圯上注圯橋也

漢橫橋

黃圖橫橋橫音光三輔舊事云秦造漢承秦制廣六丈

橋梁

三百八十步置都水令以掌之號為石柱橋黃圖又云長安

城下有池周廣三丈深二丈石橋各六丈與街等文選注潘岳關中記曰

秦作渭水橫橋雍州圖曰在長安北二里橫門外

漢霸橋

黃圖霸橋在長安東跨水作橋漢人送客此橋折柳
贈別初學記云以石為梁水經注霸水古曰滋水秦穆公更

名以顯霸功水上有橋謂之霸橋王莽傳更名霸

橋為長存橋

漢渭橋 便門橋

文紀代王乃進至渭橋羣臣拜謁稱臣宋自至渭橋丞相已下皆

萬曆十六年

監重陳策

迎注蘇林曰在長安北三里

宣紀甘露二年春正

月呼韓邪單于來朝上自甘泉宿池陽宮上登長平

阪注水之南原詔單于母謁其左右當戶之羣皆列觀蠻

夷君長王侯迎者數萬人夾道陳上登渭橋咸稱萬

歲匈奴傳上登長平詔單于母謁其左右當戶之羣臣皆得列觀及諸蠻夷君長王侯數萬咸迎於渭

橋下夾道陳上登渭橋咸稱萬歲張釋之傳上行出中渭橋乘輿

馬驚文帝時史記景帝五年三月作陽陵渭橋黃

圖渭橋秦始皇造跨渭水為橋初學記云以木為梁又云秦造渭橋及橫

橋後紀建武十九年脩理東都城門橋涇渭

武紀建元二年春初作便門橋注長安北面西頭門

即平也作橋跨度渭水以趨茂陵今所謂便橋也以徑便為

義薛廣德傳元帝耐祭宗廟出便門注長安第一門

欲御樓船廣德曰宜從橋元和志便門在長安西

門與橋對詳見唐中唐書太宗與頡利盟于渭水

便橋上

水經注渭水上有梁謂之渭橋秦制也亦曰便門橋

秦皇作離宮於渭水南北三輔黃圖曰渭水貫都以

象天漢橫橋南度以法牽牛橋廣六丈南北二百八

十步六十八間七百五十柱北馮翊立之有一百十

二梁橋之南北有隄激立石柱柱南京北立之注北

馮翊立之有令丞各領徒一千五百人橋之北首壘石水中魏武帝更脩之史記索隱今渭橋有三所

一所在城西北咸陽路曰西渭橋一所在東北高陵路曰東渭橋其中渭橋在故城之北秦漢唐

架渭者三橋中渭橋在長樂宮北秦造便橋長安西武帝造東渭橋在萬年縣東不知始於何世渭之源出自鳥鼠同穴東受秦水至武功受斜水又東受豐水東北則漢便門橋橫亘其上又東為鄠水又東逕

磁石門阿房西門也

漢飲馬橋

黃圖飲馬橋在宣平城門外文選注長安圖曰漢

時七里渠有飲馬橋

漢成都浮橋

吳漢傳建武十二年春漢進軍攻廣都拔之遣輕騎

燒成都市橋即七星之一橋也華陽國志李冰造

在七星橋間漢進逼成都去城十餘里阻江北為營作浮

橋在七星橋間岑彭傳公孫述橫江水起浮橋彭令軍中募攻

浮橋先登者上賞飛炬焚之東觀記田戎下江關

至南郡據浮橋於江水吳漢鋸絕橫橋大破之水

經注建武十一年公孫述遣任滿等據嶮為浮橋橫

江以絕水路。光武遣吳漢岑彭將六萬人擊荆門。漢等率舟師攻之。直衝浮橋。因風縱火。遂斬泚等。魏夏侯尚圍南郡。作浮橋渡百里洲上。吳潘璋伐葦作筏。欲順流燒橋。伺水長當下。尚引退。梁王瓚據楊村。夾河築壘。造浮梁。晉李存進亦造浮梁於德勝。或曰浮梁須竹竿鐵牛石困。我皆無之。何以能成。存進以葦竿維巨艦。繫於土山巨木。踰月而成人服其智。

漢河橋

西羌傳永元五年護羌校尉賈友攻迷唐於大小榆

谷夾逢留大河築城塢作大航造河橋欲以度兵迷

唐遠徙依賜支河曲

永元元年春鄧訓發湟中六千人縫革舡置單上度河掩擊迷

唐大破之

司馬相如傳橋孫水

梁孫原

以通邛苻

趙克國傳奏

治湟陘中道橋令可至鮮水以制西域

漢石橋

水經注穀水又東出屋南逕建春門石橋下即上東

門也橋首建兩石柱橋之右柱銘云陽嘉四年乙酉

壬申詔書以成下漕渠東通河濟南引江注方貢委

輸所由而至使中謁者魏郡清淵馬憲監作石橋梁

柱敕工匠盡要妙之巧三月起作八月畢成其木依
柱文自樂里道屈而東出陽渠 朱超石與兄書云
橋去洛陽宮六七里悉用大石下員以通水可受大
舫過題其上云太康三年十一月初就功日用七萬
五千人至四月末止

齊地記秦始皇作石橋欲度海觀日出

東海有石橋始皇造

唐文粹趙郡汶河石橋隋匠李春之跡也製造奇特
張嘉正柳渙張彧為築

蜀漢武功竹橋

水經注諸葛亮表云臣遣虎步監孟琰據武功水東

橋

司馬懿因水長攻琰營臣作竹橋越水射之橋成馳
去

魏洛水浮橋

蔣濟傳注濟隨司馬宣王屯洛水浮橋

文選注河

南郡縣境界簿曰城南五里洛水浮橋

魏略洛陽

城東西橋洛水浮橋

初學記洛陽魏晉以前跨洛

有浮橋 潘岳賦浮梁黜以徑度

成公綏洛襍賦

飛橋浮濟造舟為梁

魏志曹公西征馬超多設疑兵潛以舟載兵入渭為

浮橋夜分兵結營於渭南

晉富平河橋

武紀泰始十年九月立河橋于富平津十一月立城東七里澗石橋 **杜預傳**預以孟津渡險有覆沒之

患請建河橋於富平津議者謂殷周所都歷聖賢而不作者必不可立故也預曰造舟為梁則河橋之謂

也及橋成武帝從百寮臨會舉觴屬預曰非君此橋不立也對曰非陛下之明臣亦不得施其微巧 **初**

學記洛北富平津跨河有浮橋即杜預所建 又云洛陽魏晉以前跨洛有浮橋 **通典**河南府河陽縣古孟津後亦曰富

平津浮橋即晉杜元凱所立 **元和志**河陽浮橋架

橋

黃河為之以船為脚竹篁巨之晉陽秋云杜元凱造

河橋於富平津即此是也 孟津亦謂富平津

春秋後傳赧王五十八年秦始皇作浮橋于河 **史記**

秦昭襄王五十年十二月初作河橋

晉朱雀橋

紀明帝太寧二年六月丁卯以應詹為護軍將軍

節督朱雀橋南諸軍事 吳時南津橋也 成帝咸康

二年十月新作朱雀浮橋 孝武寧康元年三月癸

丑詔除丹陽竹格等四折稅 **初**學記吳有朱雀橋

東晉有朱雀大航 四航丹陽竹格朱雀 **驃騎朱雀**

本吳時大航咸康二年新立朱雀航對朱雀門南渡
淮水亦名朱雀橋

後魏渭橋

崔亮傳亮除雍州刺史城北渭水淺不通船亮曰杜
預造河梁况此有異長河且魏晉亦有橋昔秦居咸
陽橫橋度渭以像閣道此即以柱為橋會大雨水至
柱出長木橋成至今名崔公橋

唐舟梁 陝津浮梁

六典水部凡天下造舟之梁四河二洛一河則蒲津
大陽盟津一名洛陽洛則孝義也石柱之梁四洛三灞

洛則天津永濟中橋灞則灞橋也大柱之梁三皆渭
川也便橋中渭橋東渭橋此舉京都之衝要也巨梁
十有一皆國工修之其餘則所管州縣隨時營葺
百官志諸津令掌舟梁灞橋永濟橋以勲散官一人
涖之天津橋中橋以衛士拚掃便橋渭橋萬年三橋
有丞正觀中廢河渠令供祠祀則自便橋至東渭橋禁民
漁地理志陝州陝縣有大陽關一曰陝津即茅津
觀十一年造浮梁通典大陽橋正觀中丘行恭造

舊紀開元二十年四月癸巳改造天津橋會要云
十一日改造天津橋毀皇津橋合為一橋天寶元
年二月廣東都天津橋中橋石脚兩眼以便水萬曆十六年
改生董陳策

初學記秦公子鍼奔晉造舟于河在蒲坂夏陽津今蒲津浮橋張說有蒲津橋贊太宗有浮橋詩皮日休河橋賦其形若劔倚天外龍橫水心其高若大虹貫天其壯若巨鼇壓海不楫而濟役鵲踴鯨與波上下

唐永濟橋

元和志河南府永濟橋在壽安縣西十七里大業三年置架洛水隋亂毀廢正觀八年脩造舟爲梁長四十丈三尺廣二丈六尺

唐中渭橋

使橋

元和志中渭橋在咸陽縣東南二十二里本名橫橋架渭水上秦皇都咸陽渭水貫都以象天漢橫橋南渡以法牽牛渭水南有長樂宮北有咸陽宮欲通二宮之間故造此橋漢末董卓燒之魏文帝更造劉裕入關又毀之後魏重造正觀十年移於今所使橋在縣西南十里架渭水上武帝建元三年初作使門橋在長安北茂陵東去長安二十里長安城西門曰使門此橋與門相對因號使橋太宗與頡利嘗盟于此

唐東渭橋

見上以鼓吹迓劉晏見漕運

建中四年十月命

韓游瓌拒泚於便橋劉德信汝鄭應以東渭橋有積

粟十萬斛癸亥進屯東渭橋十一月丙子李晟自蒲

津濟軍于東渭橋馬彙亦屯焉興元元年五月乙未

晟自東渭橋移軍光泰門晟復京師帝紀其功自文

于碑立于東渭橋碑在橋側跨虹連岸浮龜續航星文

瀉漢虹勢凌虛

唐大陽橋 又見上

元和志大陽橋長七十六丈廣二丈架黃河為之在

陝縣東北三里正觀十一年太宗東巡遣武侯將軍

丘行恭營造

橋梁

唐天津橋 又見上

元和志在河南縣北四里隋大業元年初造用大舡

維舟以鐵鎖鉤連南北夾路對起四樓其樓為日月

表勝之象正觀十四年更令石工累方石為脚爾雅

斗牛之間為天漢之津故取名 會要先天二年八

月敕天津橋除命婦車已外餘車不得令過 舊史

郭子儀傳 廣平王入東都陳兵於天津橋南士庶

歡呼於路

洛中橋

會要顯慶五年五月一日修洛水月堰舊都城洛水

萬曆丁亥年

生程應科刊

天津之東有中橋利涉橋以通行李。上元二年，司農卿韋機移中橋，自立德坊西南置於安衆坊之左。南當長夏門，上令於中橋南刻一方石，列其年辰，紀十六字，蓋黃絹之辭也。因廢利涉橋，所省萬計。
韋機傳：管繕東都作宿羽高山等官，徙洛中橋於長夏門，廢利涉橋，人便之。
通典：河南縣天津橋中橋，脚並長壽中，中書侍郎李昭德造。
元和志：中橋咸其三年造。

唐孝義橋 見上

會要：天寶七載四月，河南尹韋濟奏於偃師縣東山

下開驛路，通孝義橋。

唐河陽浮橋

見上 晉富平河橋

唐肥鄉橋

韋景駿傳：神龍中，景駿為肥鄉令，縣北瀕漳水，連年泛濫，舊坊迫漕渠，雖峭岸，隨即壞決。景駿相其地勢，益南千步，因高築障，水至堤距輒去。其北燥為腴田，維漕以梁其上，而廢長橋，功少費約。人立石著功數年，後刺趙州，道出肥鄉，民曰：學廬館舍橋郭，皆公所治。

唐金橋

地理志金橋在上黨南二里常有童謠云聖人執節
渡金橋景龍三年十月二十五日帝經此橋之京師
潘炎賦曰成金橋之巨麗得鐵鑠之宏規倚晴空
之蟠螭超渡海之鼉鼉非填鵲之可比法牽牛而為
狀異東明擊水而投步匪秦帝驅山而看鞭
韋臯傳正元五年東蠻斷瀘水橋攻吐蕃

唐鐵牛 蒲津橋 祥符鐵牛詩

地理志河中府河西縣有蒲津關開元十二年鑄八牛
于蒲津牛有一人策之牛下有山皆鐵也夾岸以維

浮梁 **通典**河東縣後魏大統四年造浮橋九年築

城為防唐開元十二年河兩岸開東西門各造鐵牛
四鐵人四其牛下並鐵柱連腹入地丈餘并前後鐵
柱十六 **通鑑**開元九年新作蒲津橋鎔鐵為牛

會要開元九年十二月九日增修蒲津橋紐以竹篁
引以鐵牛命兵部尚書張說刻石為頌 張說蒲津

橋贊河有三橋蒲津居其一舊制橫紐百文連艦千
艘辯脩竿以維之繫圍木以距之開元十二載俾鐵
代竹取堅易脆賦晉國之一鼓法周官之六齊飛廉
煽炭祝融理鑪結為連鎖鎔為伏牛偶立於兩岸襟

束於中渾鑠以持航牛以繫纜亦將厭水物莫浮梁
賈至陝州鐵牛頌杳冥精考混茫氣凝為伏牛載
厚地巨靈西掌屹巖巖長河東流汙沸滑堅立不動
神之至本朝祥符四年二月甲子次河中府度河
橋觀鐵牛三月乙亥幸順正廟作鐵牛詩 治平三
年四月己丑初河中浮梁用鐵牛八維之一牛數萬
斤後水漲絕梁牛沒于河真定僧懷丙以二大舟實
土夾牛維之用木鈎牛徐去二舟浮牛出詔賜懷丙
紫衣

秦以金牛啖蜀五丁棧輿斜迎之 李冰刻石作三

犀牛 蜀郡蒲江有七橋西南石牛門石犀所潛泉
也 孔明木牛

唐汴橋

權懷恩傳嘗過汴州刺史楊德幹以嚴稱汴橋新成
立木中涂止過車者謂德幹曰民不可止耶焉用此
唐洛陽四橋

宋會要政和四年宋昇奏西京端門前考唐洛陽圖
舊有四橋曰穀水曰黃道在天津橋之北曰重津在
南並為䟽導洛水又橋之上十里有石堰曰分洛自
唐以來引水入小河東南入伊

建隆天津橋

二年四月西京留守向拱修天津橋成甃石為脚高數丈銳其前以疏水執石縫以鐵鼓絡之詔褒美政和四年八月十日宋昇上修天津橋圖又請修重津黃道橋置分洛堰從之

景德奉先橋

四年二月西京新造訾店渡橋癸酉賜名奉先

祥符大慶橋

四年二月丁卯改蒲津橋曰大慶

祥符延安橋 安國橋

五年九月七日車駕臨視新作延安橋 先是七月

戊辰二日徙汴河廣濟橋於相國寺前榜曰延安又作橋跨惠民河榜曰安國

祥符迎真橋

六年六月辛未詔昇平橋名曰迎真以欽迎真像由飛梁登寶坐故也 四年二月戊辰詔洛水橋名迎躍渭水橋名省方

祥符延福橋 皇祐安濟橋

六年十二月丁亥賜南薰門內惠民河新橋名曰延福 皇 三年十月辛巳以惠民河新作橋為安濟

橋

祥符崇真橋

六年十一月丁巳賜太清宮東澗水橋名曰崇真

四月甲子命亳州北門外澗水橋曰靈津
陳堯叟應

天府穀熟汴水橋曰按蹕

丁謂開封陳留汴水橋曰

凝祥

王嗣宗撰記
熙寧永通橋 寧和橋

景德二年四月改修京新城諸門外橋並增高之

六年四月十七日庚寅熙州洮河浮梁成賜名永通

橋十月延州浮梁成賜名寧和橋

和五年六月詔居山云一大任山浮橋名天成大任至

汶子山浮橋名聖功

開寶七年十一月曹彬言大江浮梁成 嘉祐二年

修澶州浮橋元豐四年十一月十六日滑州浮橋成

八年八月十一日命河中府修浮橋隄岸 紹聖二

年六月三日申嚴黃河浮橋之禁揭于兩岸

古者辰角見而雨畢則除道天根見而水涸則成梁

梁者造舟為之未有橋之名也昔人之規陳議鄭蓋

不越是周官道路之修職於司險廬館之備具於

遺人其有不由道而橫行宵征不由梁而川游徑踰
秋官為之厲禁 通濟利涉三才一致故辰象昭回
天江臨乎折木鬼幽助海石到乎扶桑 浮龍役
鵠 超涯截壑 於地泉開盤根玉繫 虹舒電拖
力將岸爭執與空關
鄭以乘輿濟人秦法治孟子譏其不知為政陳廢先王
之教而川不梁單朝知其必亡 彭城橋梁郵亭不
修薛宣知其不能備道弗不可行單襄公知其必亡

郵驛

郡國朝宿之舍在京者謂之邸郵騎傳遞之館在
四方者謂之驛

周路室 候館

周禮遺人凡國野之道十里有廬廬有飲食三十里
有宿宿有路室路室有委五十里有市市有候館候
館有積注廬若今野候徒有序也宿可止宿若今亭
有室候館樓可以觀望者也 委人凡軍旅賓客館
焉 大僕以待達窮者與邊令注邊令郵驛上下
品 環人舍則授館 司儀致館如初之儀 小行

人郊勞既館。懷方氏治其委積館舍飲食。行夫
掌邦國傳遽之小事。聘禮管人注掌客餽者。周之設官行人
設周之秩官候人為導。司里授館。周之設官行人
掌其籍懷方治其舍。象胥相其禮。委積飲食送迎出
入各有司存。周三百六十官。職掌之關乎賓客者
七十有六。天官所總實居十八。蓋自司關啟關以告
司徒。令野脩道。委積掌訝逆賓于疆。於是共禮酒。共
陳酒。共稍禮。共齊羞。以至牢米。灋羊。澤物。幣。齊。各庀
其事。司儀致館。環人授館。小行人。眠館。蓋無一而不
周。當是時也。不獨朝賓國客為然。有委積焉。旬聚焉。

禮記

以待羈旅。雖行道之人。亦有廬有宿。以舍之。食之。隸
館以責晉。輿梁以議鄭。里候以覘陳。不曰道涂館舍
為不急之務也。晉文公崇大諸侯之館。諸侯賓至。旬
設庭燎。僕人循宮。車馬有所。賓從有代。巾車脂轄。隸
人牧圉。各瞻其事。百官之屬。各展其物。後以隸垣。羸
諸侯。鄭僑知其必衰。

漢郡國邸

百官表典客有郡邸長丞。各一人。初置郡國邸。屬少

府中屬中尉。後屬大鴻臚。注師古曰。主諸郡之邸在

京師者也。朝宿之舍。朱買臣傳常從會稽守邸者寄食

萬曆丁亥年

三

一

監生程應科刊

服虔曰有步歸郡邸直上計時宣紀猶坐收繫

郡邸獄注師古曰漢舊儀郡邸獄治天下郡國上計

者屬大鴻臚哀紀召定陶王立為皇太子謝曰願

且得留國邸旦夕奉問起居母將隆傳宜召定陶王

季布為河東守至留邸一月是郡有邸也齊王肥

入朝呂后置酒齊邸盧縮子降舍燕邸申公舍魯邸

是國有邸也何武為揚州刺史奏事至邸是刺史有

邸也質支首垂蠻夷邸門是蠻夷亦有邸也揚雄

書云雄作縣邸銘續志中興但令郎治郡邸注承

元十年大匠應順言百郡計吏觀國之光而舍逆旅

郡驛

崎嶇私館朝會邈遠事不肅給昔伯國盟主耳舍諸

侯於隸人子產以為譏况四海之大乎和帝嘉納即

創焉黃香傳元和中千乘王冠帝會中山邸詔香

殿下謂諸王曰此天下無雙江夏黃童也何進傳

引兵入屯百郡邸陸機洛陽記百郡邸在洛城中

東城下步廣里所以通奏報待朝宿

漢亭候 郵亭 傳置

百官表十里一亭亭有長十亭一鄉鄉有三老有秩

嗇夫游徼皆秦制也帝紀高祖為泗上亭長注師

古曰秦法十里一亭亭長主亭之吏也亭謂停留行

旅宿食之館

應劭曰亭有兩卒一為亭父掌開閉掃

長亭候五里

郵郵間相去二里半 文帝二年

十一月詔曰

云云 以給傳置注師古曰置者置傳驛

之所因名置

平帝元始五年正月詔置宗師考察

不從教令者宗師得因郵亭書言宗伯注師古曰郵

行書舍也

人召食其

夏侯嬰為沛廢司御每送使客還過泗

上亭與高祖語

韓信四年漢王從張耳軍修武至

宿傳舍晨馳入壁奪其印符

賈誼疏斥候望烽燧

不得卧

張騫開外國道 云云 天子虜樓蘭王酒泉

列亭障至玉門

汲黯曰匈奴畔其主而歸漢徐以

郵驛

縣次傳之

趙充國奏繕治郵亭 見屯田類 黃霸

守潁川使郵亭鄉官皆蓄雞豚吏出不敢舍郵亭

薛惠為彭城令橋梁郵亭不修注師古曰郵如今之

驛及行道館舍也

霍光昭帝曰將軍之廣明都郎

注廣明亭名

貢禹言官奴婢宜令代關東戍卒乘

北邊亭塞候望

龔勝邴漢歸詔行道舍傳舍縣次

食從者及馬

匈奴傳太初三年光祿徐自為出五

原塞數百里遠者千里築城障列亭至盧胸使韓說

衛伉屯其旁其秋匈奴壞光祿所築亭障昭帝時漢

萬曆癸未年補刊

易茲 四百〇三

邊郡燹火候望精明匈奴為邊寇者少利希復犯塞
元帝時侯應曰孝武建塞徼起亭隧築外城設屯戍
以守陰山前以罷外城省亭隧令裁足以候望通燹
火而已地節二年罷外城食貨志元封四年冬天子北出
蕭關從數萬騎行獵新秦中勒邊兵而歸新秦中或
千里無亭徼誅北郡太守以下史大事記元光六
年南夷始置郵亭光武紀建武十三年十二月遣
驃騎大將軍杜茂屯北邊築亭候修烽燧杜茂傳
建武十二年遣謁者段忠將弛刑鎮守北邊因發邊
卒築亭候王霸傳建武十二年與杜茂治飛狐道

郵驛

築起亭障自代至平城三百餘里馬成傳建武十

四年代杜茂繕治障塞自西河至渭橋河上至安邑

太原至井陘中山至鄴皆築保壁起燧燧十里一候

南匈奴傳光武初平諸夏建武六年始通好數與

盧芳共侵北邊十三年寇河東轉居塞內朝廷患之

增緣邊兵部數千人大築亭候修烽火二十六年冬

北單于追擊南部乃詔南單于徙居西河遣將衛之

南單于列置諸部北單于惶恐頗還所掠漢人鈔兵

每到南部下還過亭候輒謝曰自擊亡虜莫韃日逐

耳非敢犯漢人也又建武二十一年烏元破匈奴何奴
北徙幕南地空詔罷諸邊郡亭候

吏

衛颯傳遷桂陽太守三縣去郡遠且千里每一

吏出徭及數家颯乃鑿山通道五百餘里列亭傳置

郵驛於是役省勞息章帝紀贊戎亭虛候和帝

紀舊南海獻龍眼荔支十里一置五里一候帝罷之

順帝紀永和五年九月令扶風漢陽築隴道塢三

百所置屯兵西羌傳元初三年秋築馮翊北界候

塢五百所禮掌節注如今郵行有程東京賦西

登少華亭候修勅

漢代邸

文紀太尉勃上天子璽代王謝曰至邸而議之閏月

邸驛

已酉入代邸羣臣從至遂即位奉天子法駕迎代邸
注師古曰郡國朝宿之舍在京師者率名邸邸至也
言所歸至也

漢甘泉諸侯邸

郊祀志太初元年受計甘泉其後天子又朝諸侯于
甘泉作諸侯邸劉澤傳田生說張卿曰諸侯邸第
百餘皆高帝一切功臣

漢單于邸 蠻夷邸 質館見館類

匈奴傳元封中漢使王烏等如匈奴匈奴給曰吾欲
入漢見天子面相結為兄弟王烏歸報漢漢為單于

萬曆丁亥年

卷之三

三

監生余洵刊

築邸于長安單于殊無意入漢遣太子來質 **宣紀**

甘露三年春正月行幸甘泉匈奴呼韓邪單于來朝

贊謁稱藩臣而不名使有司道單于先行就邸長安

宿長平上登長平阪詔單于毋謁其左右當戶之羣

皆列觀蠻夷君長王侯迎者數萬人夾道陳上登渭

橋咸稱萬歲單于就邸置酒建章宮饗賜單于二月

歸 **元紀**建昭三年冬斬質支單于首傳詣京師垂

蠻夷邸門注師古曰蠻夷邸若今鴻臚客館 **陳湯**

傳延壽湯上疏曰斬質支首及名王以下宜垂頭橐

街蠻夷邸間注晉灼曰黃圖在長安城門內師古曰

橐街街名蠻夷邸在此街也邸若今鴻臚客館 **段**

會宗傳宛王質支頭垂橐街烏孫所知也 **後西域**

傳永元六年都護班超斬焉耆尉黎王首垂蠻夷邸

注若今鴻臚寺 **唐薛登**曰斥居塞外有時朝謁已

事則歸三王之法也漢魏以來革襲衣冠築室京師

不令歸國較其利害三王是而漢魏非拒邊長而質

子短

漢六王邸

見大駕宮

漢都亭 魏都亭

張綱傳漢安元年選遣八使徇行風俗綱獨埋其車輪於洛陽都亭曰豺狼當路安問狐狸何進傳中

平元年為大將軍率左右羽林五營士屯都亭

司馬相如傳往舍都亭注臨邛所治都之亭嚴延

年傳毋到雒陽止都亭不肯入府魏都賦營客館

以周坊飭賓侶之所集偉豐樓之閑闕起建安而首

立葺牆纂空房無雜襲廣成之傳無以儔史記秦舍蘭相如廣

成傳稟街之邸不能及注鄴城都亭北有大邸起樓門

臨道建安中所立

漢籌筆驛

在蜀路諸葛孔明亮籌畫於此山水取秀殷潛之

杜牧石延年有詩

廐置田橫傳善置曹參傳騎置李陵傳邛郵

淮南王傳行書之舍鄭當時傳為太子舍人每

五日洗沐當置驛馬長安諸刻王溫舒傳為河內

太守令郡具私馬五十匹為驛自河內至長安丙

吉傳馭吏見驛騎持赤白囊邊郡發奔命書馳來至

馭吏因隨驛騎至公車刺取陳湯傳段會宗為烏

孫兵所圍驛騎上書續志驛馬三十里一置卒皆

赤幘注臣昭案東晉猶有郵驛東平王蒼傳驛馬

嘉靖丁巳年玉海卷百七十三二十三監生楊持猷刊

千里傳問起居

禮太僕注遽傳也若今時驛馬軍

書當急聞者

高紀注師古曰傳者若今之驛古者

以車謂之傳車其後又單置馬謂之驛騎

宋南北客館

梁典客館

唐六典周禮掌客上士二人漢鴻臚有行人武帝改

行令魏改曰客館令晉曰典客宋永初中分置南北

客館令丞齊有客館令梁有典客館令丞後魏置主

客令隋鴻臚卿統典客令後改曰典蕃又於建國門

外置四方館待四方使客各掌方國及互市事唐以

四方館隸中書

注代宗永泰後事多留滯四夷使者及四方奏計連歲不遣於右銀臺

印釋

門置客省以處之大曆十四年七月德宗罷之

晉庾翼綏來荒遠務盡招納之宜立客館置典賓

齊王融兼主客接魏使

陳潘徽為客館令元魏

於洛水橋南御道東作四館

金陵燕然道西立四里

隋四方館

六典注隋開皇三年置謁者臺改舍人為通事謁者

置四方館於建國門外隸鴻臚寺待四方使者唐廢

謁者臺四方館屬中書省

大和二年六月賜印以中書省四方館為名五年四

月鑄內外客省使印

唐諸州邸

鴻臚客館

四方館

見館類

進奏院

太宗紀正觀十七年十月丁未建諸州邸于京城典

至永淳中諸州邸舍漸毀會要正觀十五年正月上謂侍臣曰

古者諸侯入朝有湯沐邑芻禾百車待以客禮漢為

諸侯刺史郡守立邸舍於京城頃聞都督刺史充考

使至京師與商人雜居禮不足人多怨至十七年十

月一日下詔令就京城為諸州朝集使造邸第三百

餘所上親觀幸焉神龍元年司農卿趙履温奏請出

賣開元十九年十二月十三日敕鴻臚官吏施

出入其譯語掌客出入密館者於長官下狀牒館門建中元年十月二十九日敕每州邸第令本州營

置二年五月十四日戶部奏以官宅二十所分居

舊紀天曆十二年五月甲寅諸道邸務在上都吏司

留後改為進奏院兩京記承天門西第七街北從

東第一曰鴻臚寺次西鴻臚各館如漢之幕街邸四

夷慕化及朝獻者之所居六典鴻臚有典客令凡

酋渠朝見館而以禮供之周有掌客上士二人柳

宗元邠寧進奏院記凡諸侯述職之禮必有棟宇建

于京師朝覲為修容之地會訂為交政之所其在周

則皆邑以具湯沐其在漢制則皆邸以奉朝請唐

與因之則皆院以備進奏

曹要正觀上九年征遠發定州太子請飛驛遞表起
 居飛表續事開元十五年四月敕兩京都亭驛出使
 人毋淹留二十八年六月年六月敕停水驛正元
 二年十二月敕自上都至汴州為大路驛至荆南為
 次驛元和初以官人為館驛使李吉甫奏罷之十
 二年二月復以中人領使左補闕裴濟諫曰畿內
 有京兆尹道有觀察使刺史監臨臺又御史為使
 云不從六御史以監察寶曆二年二月鳳翔置驛
 曰渭陽通蜀安通山南新置斜谷路初驛一曰垂

武興右界 李渤傳元和十三年使潞州言道弗不

治詔出飛龍馬數百給畿驛 郭子儀傳乾元元年

破賊河上遂朝京師詔百官迎於長樂驛帝御望春

樓待之 回紇傳置過郵六十八所見上 孫樵書

襄城驛 元稹陽城驛詩南有陽城驛名同陽道州

我願避公諱名為避賢郵 韓愈記宜城驛

唐兩京館驛 傳驛又見上

會要開元十五年七月敕傳驛因御使出使察之二

十五年五月御史鄭審檢校兩京館驛猶未稱使今

驛門前十二辰堆即審期焉乾元元年三月以度支

郎第五琦充使大曆五年九月以京兆尹充使十四
 年九月各以御史知驛遂稱使 柳宗元館驛使壁
 記曰館驛之制於千里之內尤重自萬年至于渭南
 其驛六其蔽曰華州其關曰潼關自華而北界于櫟
 陽其驛六其蔽曰同州其關曰蒲津自霸而南至于
 藍田其驛六其蔽曰商州其關曰武關自長安至于
 盩厔其驛十有一其蔽曰洋州其關曰華陽自武功
 西至于好時其驛三其蔽曰鳳翔其關曰隴關自渭而
 北至于華原其驛九其蔽曰坊州自咸陽而西至于
 奉天其驛六其蔽曰邠州由四海之內總而合之以

館驛

至于關由關之內東而會之以至于王都華人夷人
 往復而後館者旁午而至傳吏奉符而閱其數縣吏
 執牘而書其物告至告去之役不絕於道寓望迎勞
 之禮無曠於日而春秋朝陵之邑皆有傳館其饋饋
 繕備於是出納之數考會之政大曆十四年始命
 御史為之使俾考其成以實于尚書季月之晦必合
 其簿書以視等列校其信宿正元十九年韓泰告于
 上始鑄使印而正其名 百官志駕部堂傳驛凡三
 十里有驛驛有長與天下四方之所達為驛千六百
 二十九水驛有舟 六典駕部郎中掌天下傳驛凡

三十里一驛。有天下凡一千六百三十九所。三百六十所水驛。一千二百九十七所。陸驛八十六所。水陸相兼。道要。李言。傳元和八年。增。四傳言。回鶻入寇。因請起夏州。至天德。復驛。信。區以通緩急。舊紀元和八年。自夏州至豐州。初置八驛。景寅。

唐郵驛條式

會要正元八年。舊紀。閏門下省。奏郵驛條式。應給紙券。六典之制。以監察第二御史主郵驛。

宋朝都亭驛。班荆館。

晉天福五年九月戊子改東京上源驛為都亭驛在

光化坊舊制待河西蕃部。開寶六年七月辛酉幸都契丹使來聘館都亭驛景德四年二月二十八日宴宗室百官於都亭驛。其後專館契丹使。崇寧元年重修。又景陽門外有班荆館為迎餞之所。紹興十四年五月甲子初建于臨安。十二月成以館北使。元十二年三月十六日畢功。

宋朝禮賓院

在歸德坊掌蕃夷朝貢互市。興國二年九月勃泥朝貢館於是院。舊有蕃譯院。景德三年併入。熙寧九年四月省禮賓院監官。

唐元和九年六月乙未置禮賓院於長興里之北。

萬曆十六年

監生董陳策

宋朝客省 四方館

志客省使二人 在閣門西 掌四方諸蕃國朝貢之儀

物還則授以賜予詔書四方館使二人 在朝堂門外

掌通元日冬至朔旦之表章郊祀則定蕃國使陪祠

之服位大朝會亦如之 紹興四年四月七日詔隸

中書省不隸臺察五年六月九日詔知閣門事兼客

省四方館事 初建炎元年十二月二十一日以西上

先是慶曆四年十一月詔引進使四方館使並兼領

閣門公事元豐七年四月二十二日詔客省四方館

景德懷遠驛

初同世宗顯德五年五月江南稱藩城東置懷信

以待其使 倉驛為通吳驛辛丑幸皇朝興國二年八

月四日改為都亭驛以館契丹使其諸蕃客使止於

公府景德三年十二月辛巳作懷遠驛於汴河北以

待南蕃交州西蕃大食龜茲十闐甘州等貢奉客使

觀度坊 待 衛 初 館 契 丹 後 館 交 趾 祥 符 六 年 五 月 甲 寅

以驛增脩為皇姪惟正等南宅 紹興二十五年安

南入貢六月九日詔行驛以懷遠為名十一月十六

日賜占城使宴享于懷遠驛 成 疑 舊 都 驛 懷 遠 驛 省

二十六年十二月二十七日賜三佛齊使宴于懷遠

驛乾道二年八月十一日廢為臺諫廨舍九年十一月一日詔權以貢院為懷遠驛事已依舊

祥符都亭西驛

舊曰上源西驛在惠寧西坊掌河西蕃部貢奉祥符元年改今名祥符九年四月七日以京城西營染院為夏州蕃驛熙寧五年四月乙亥命修都亭驛以待夏使

祥符迎鑿金驛

元年五月九日庚午改鄆州臨鄆驛曰迎鑿砂溝驛曰翔鑿六月十四日癸卯改兗州句石驛曰回鑿金知

溝驛曰太平

熙寧來遠驛

在崇化坊熙寧三年五月戊午十九置以待蕃客馬驛都虞候舊廡增葺二十四日戊午以廣州奉真觀為來遠驛從船司之請以備招來諸國貢使

熙寧同文館

在延秋坊熙寧中置以待高麗使七年正月以內臣掌之紹興三年二月四日以高麗遣使入貢詔尊法慧寺為之既而不至

都亭以待大遼都亭西驛以待西蕃阿黎于闐新羅
勃海懷遠以待交趾同文以待青唐高麗

元豐登樂賓館 通津驛

元豐二年明州及定海縣作高麗貢使五月二十

五日賜名樂賓事曰航濟四年十月二十二日名滑

州新作遼使驛曰通津初題曰通津元祐元年八

月二一詔河陽劫修北使驛亭温縣宿頓以至德河

陽縣中頓以清況汜水縣中頓以行慶館為名

本朝諸路郵傳每二十五里置一遞役卒十有二人

軍興以來凡通蜀道者皆增置斤墩遞九里一置其後

黃敏行措置江浙荆襄之間舊無斥候者一切創增

漢唐之興建邸臺街築館鴻臚 以隸垣覘晉司里

覘陳

玉海卷第一百七十二

萬曆丁亥年

三母六二二三

三

監生劉一化

王洽卷一三
三
育

